

Bosna i Hercegovina
Federacija Bosne i Hercegovine
Unsko-sanski kanton
OPĆINA BUŽIM
OPĆINSKI NAČELNIK

Broj: 02-04-775-6/25
Bužim, dana 18.08.2025.godine

Na osnovu člana 70. stav (1) (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), u otvorenom postupku javne nabavke - Vršenje usluga stručnog nadzora nad građenjem i izvođenjem radova čiji je investitor općina Bužim, na prijedlog Komisije za javne nabavke, Općinski načelnik općine Bužim kao rukovodilac ugovornog organa donosi:

ODLUKU
o izboru najpovoljnijeg ponuđača

Član 1.

Prihvata se ponuda ponuđača „Industroprojekt“ a.d. Prijedor u predmetu nabavke usluga: Vršenje usluga stručnog nadzora nad građenjem i izvođenjem radova čiji je investitor općina Bužim, sa cijenom u iznosu od 0,01 KM bez PDV-a, odnosno 0,0117 KM sa PDV-om.

Član 2.

Izabrani ponuđač se obavezuje da u roku ne dužem od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama, kao i ovlaštenje za obavljanje djelatnosti koja je predmet nabavke iz tačke 3.7 Tenderske dokumentacije, ukoliko iste nisu dostavili u sastavu ponude.

Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku dodjeliće se drugorangiranom ponuđaču u skladu sa članom 72. stav (3) Zakona o javnim nabavkama.

Član 3.

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 02-04-775/25 od 02.07.2025.godine. Javna nabavka je provedena putem otvorenog postupka Vršenje usluga stručnog nadzora nad građenjem i izvođenjem radova čiji je investitor općina Bužim. Obavještenje o nabavci broj: 1119-1-2-56-3-35/25 od 03.07.2025.godine - objavljeno na portalu JN (TD preuzelo ukupno 20 ponuđača) i u „Službenom glasniku BiH“, broj: 40/25 od 11.07.2025.godine

Po objavljenom obavještenju rok za prijem ponuda je bio 24.07.2025. godine do 12:00 sati. Do označenog roka za prijem ponuda na protokol Ugovornog organa blagovremeno je pristiglo četiri (4) ponude, a što je vidljivo iz tabelarnog pregleda dostavljenog od strane službenika koji radi na protokolu ugovornog organa i to:

1. Ponuđač „Radis“ d.o.o. Istočno Sarajevo, dana 23.07.2025.godine u 11:20 sati;
2. Ponuđač „Ing Consulting“ d.o.o. Cazin, dana 24.07.2025.godine u 10:02 sati;

3. Ponuđač „Industroprojekt“ a.d. Prijedor, dana 24.07.2025.godine u 10:16 sati;
4. Ponuđač Institut za građevinarstvo „IG“ Banja Luka, dana 24.07.2025.godine u 10:57 sati;

U postupku donošenja ove Odluke, posebno su cijenjene činjenice da je Komisija za JN, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je navedeni ponuđač dostavio prihvatljivu ponudu, prema kriteriju za dodjelu ugovora iz Tenderske dokumentacije „Najniža cijena tehnički zadovoljavajuće ponude“.

Detaljno obrazloženje razloga za izbor najpovoljnijeg ponuđača navedeno je u Zapisniku o pregledu i ocjeni ponuda koji se dostavlja uz ovu Odluku svim ponuđačima koji su učestvovali u postupku nabavke.

Obzirom na sve prethodno navedeno, odlučeno je kao u članu 1. ove Odluke.

Pouka o pravnom lijeku:


Protiv ove odluke može se izjaviti žalba najkasnije u roku od 10 (deset) dana od dana prijema iste. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manji od tri.

Obrada:

Nedžad Kudelić

Dostaviti:

1. „Radis“ d.o.o. Istočno Sarajevo,
2. „Ing Consulting“ d.o.o. Cazin,
3. „Industroprojekt“ a.d. Prijedor,
4. Institut za građevinarstvo „IG“ Banja Luka,
- ⑤ Web stranica općine Bužim,
6. U spis.



U ime ugovornog organa
OPĆINSKI NACELNIK

Mersudin Nanić, dipl.ing.inf.